

摘藻堂四庫全書薈要

集部

欽定四庫全書薈要

集部

靜修集卷十九至二十一

詳校官助教臣謝登雋



欽定四庫全書薈要卷一萬六千二百七十五

集部

靜修集卷十九

拾遺

元劉因撰

五言古詩

八首

郭翁詩

并序

翁名恩本相人少為輪扁業亂後流寓保定
年今近九十矣早與其兄相失後聞其居河
南老無所依翁乃三往迎之及至奉事惟謹



與同寢處翁家貧素無僕御其兄卧病翁親
為浣滌廁踰其兄臨終嘗以遺骸歸柩為託
而翁亦極力以成其志郡中諸老人與翁年
相若游相好者數數為予道翁行事如此予
感嘆不已為作是詩

佳木交清陰欣然動人意况聞翁之風能不有生氣此
翁少有兄干戈鄉縣異哀鳴念羈孤相思勞夢寐自誓
畢此生復爾歡聚遂千里三往還竟扶籃輿至夜雨一

方床春風滿天地家無十歲僮百役一身寄效兒浣廁
踰代婦理中饋生忘惇獨憂死免道路棄關河隔故丘
走送徇歸志大義今已全初心始無愧翁本不識書所
知惟藝事作詩美翁賢亦以警士類

友善堂詩送文子周使江西

我昔客鎮州東隣友善堂一別今十年主人髮如霜百
年翰林銘許與聲琅琅愧昔知君淺喜今窺汪洋暫會
復遠別江山懷豫章舉目見良朋胸中非故鄉但憂兵

亂餘民氣恐不揚人生貴樹立事業在此方

李從事北上

在昔為趙客君方掾鎮州前年從事保我為鄉人留今
聞當上計適值將南遊區區四五年足跡無少休窮達
雖云異飄泊同羈愁

行家園藥畦

極覽力不任近尋情亦親勤人良可愧生刲庸非仁氛
雜沒畦隔洗去如游塵激流不知小因風亦生鱗羊乳

生氣少靈龐渺無聞牛妳頗肥澤老馬或當神薯區才
數本臈粥思及鄰庭前席許地可望濟病身茫茫天宇
間此意難重陳

種芋

借地劖深區西鄰計已成雖無范陽種尚愛君子名糞
壤豆箕爛南風綠雲平欲知子有孫當驗葉與莖飢腸
日有望歲晚分杯羹未築學圃亭先著種芋經欲持已
試驗盡今鄉曲行

蜀葵

蜀葵落秋子已能成小叢如何同枝花隱隱纔含紅一
氣有先後萬物誰窮通伊誰嘆遲暮來此尊酒同

重游北溪

分韻得
暉字

蒼黃淡野色草樹含清暉林居隱葱蒨晴嵐散霏微歸
雲有真意鳴禽發天機勝處必深會輕觴豈虛揮山泉
來何從北望空依依

呈保定諸公

燕垂趙際間人物熒珪璋諸侯舊賓客一郡宗賢良士
窮叫知己人渴思義漿諸公且勿嗔賤子伸餘狂駟幼
有大志早游翰墨場八齡書草字觀者如堵牆九齡與
太玄十二能文章遨遊墳素圃期登顏孔堂遠攀鮑謝
駕徑入曹劉鄉詩探蘓李髓賦薰班馬香衙官賓屈宋
伯仲齒盧王斯文元李徒我當拜其旁呼我劉昌谷許
我參翺翔眼高四海士兒子空奔忙俗物付脫略壯節
持堅剛前年脫穎士峨峨勢方颺欲求伸汨沒今反墮

渺茫少小嬰憂患痛切摧肝腸零丁嘆孤苦片影弔愴
惶溺身朱墨窟人事如冰霜高才日陵替壯志時悲傷
駑駘欺赤驥鴟梟笑鳳凰妾婦妬逸才浪瀆讒舌長紛
然生謗議鋒豈不可當不忍六尺軀縮項俄深藏諸公
富高義刮垢摩我光去留從所適爽氣生西郎

七言古詩八首

送王之才赴史館編脩

太古熙熙存太質誰為結繩陷膠漆三墳五典生厲階

一派前道千流出商周
灝噩數千年刪定塵編纔半壁
自從盲叟好浮誇
天遣阿遷奪其筆
歷代煩文愈是非
鑿碎名山藏不得
偉哉君實集大成
爾後不聞麟再泣
遼金邪魅無人誅
略主英臣少顏色
策書未削徒紛紛
常恨天孫惜刀尺
公耽史癖今史榮
姦魂夜哭崔浩直
善惡磊磊軒天地
筆頭休放波濤息
賤子蕪絕寂寞濱
畔牧河山拾古迹
悲愁忍效虞卿窮
蒼黃敢召台州謫
中原人物有權衡
玉堂誰擅才學識
山東麟鳳半青雲

燕南獨占天荒隙公能一奮天下文袖手傍觀甘自適
同仲實南湖賞蓮醉中走筆

湓江泔寒風露涼安得置我濂溪堂香塵縹緲芙蓉裳
百年得此南湖張舉杯人勝境亦勝有蓮以來無此香
蓮香隨酒來詩腸得句驚起幽禽翔幽禽隨人作殢態
意欲和我風雪狂人間一味清到骨兩足暫付吾滄浪
螟蛉螺贏卿且去醉眼太華雲間蒼

明遠堂賞蓮醉賦

畫堂香遠凝清秋宛如坐我南湖舟主人愛客情亦重
謂我無語花應羞荷香繞筆詩自健滿紙已覺清江流
平生老氣回萬牛為君傾倒元龍樓舉杯喚起謝安石
我醉不省蒼生憂

元章論書帖

書家豪猛見世變寥寥鍾鼎今幾塵古人胸次無滯迹
意外蕭散餘天真愛書愛畫即欲死狂絕俗絕無此人
臭穢功名皆一戲渠言夸矣君勿聞

阿寅百晬

南湖風鑒不多可詩中驚見阿寅名
朝來抱來聚星亭
神涵秋色啼占聲都山張氏世有賢
斷崖近得唐碑銘
乃翁寂寞老窮經阿敬健筆敵中勅
循環無間豈終晦
開物有期須一鳴老大自任河汾教
先為虛席待此生

友人送枳朮丸

心胸未識黃昏湯無食何用求檳榔
書生但苦湯餅睡
巴椒慘慘無鼠腸舊聞易水仙翁術
綠荷包飯團枳朮

南州故人持送我但欠黃雲數千斛笑撫青囊時一鼓
健啖何由酬此腹

記夢

天風吹雲送星槎蒼鱗道前牽紫霞鳳凰呈舞月妃和
飄飄來自金母家金母臨行有奇贈玉簫瑤管聲清佳
囑我醒時無泄露恐世知子生喧譁明朝夢覺莫驚怪
異香冉冉浮窓紗

又

眼中雲物徒紛紜我一掉頭殊不聞天風蕭蕭燈半滅
忽爾雲間見雙闕欲吐不吐三萬言雄雞已落長庚前
牀前阿魯讀魯論到植其杖而芸田

雜言

二首

早發高黑口號

蒼月瘦黑風酸枯梢老竅號空山東方未動天發黑迷
途客子迴征鞍冰髯壓唇帽簷側耳輪霜醉鼻尖寒中
原年少燕南道功名未了黃塵老黃塵老馬上神州依

舊好

送國醫許潤甫還燕

來保定
奔母喪

燕趙豪傑窟馬遷曾此求交游
即今勁氣壓河朔人物傑出
嶄然雄九州燕南子許子胸
盤星斗橫高秋窮則良醫達
良相古人須向今人求萬里
黃雲馬上家歸來汨滿銀貂
裘民病未蘓國支柁勿以一
身戚而忘天下憂古來奇士
重意氣把臂一語肝膽投君
能搜我胸中磊落之奇才我
亦為君寫我抑鬱之幽懷

五言律詩

二十
九首

旅夜

欹枕寂無寐
沈思坐不禁
靜中天地我
閒裏去來今
磊平
生事休休
今夜心何
方有邊戍
雲外急清
砧

虞帝廟

四顧莽何際
威靈儼若臨
山川尚淳朴
天地自高深
鳳鳥千年嘆
簫韶三月音
玄功久無復
徒抱致君心

登保府市閣

十載鷄泉隱今朝市閣晴民謠混諸國里號帶軍營瀛
海依依見堯山隱隱橫懷今與思古獨立若為情

憶金坡道院

平昔多游覽茲游不易忘溝涂春脉脉松石晚蒼蒼有
客愛山谷無家名草堂金坡從此號聊著永相望

寒夜

肝膽了無寐襟懷誰與同更長頭可白燭暗火逾紅硯
滴水生癭星流氣吐虹林鴉先我起鳴噪竟何功

移甘菊

移晚戒前歲植根先此秋親嘗杖履遍嚴課僕童憂小
藥終年計新萸一飽謀區區嘆莎棘陸子謾多愁

採野苴

糞壤自肥膩靈苗絕世紛炊餘香更美甘出苦難分宜
酪法新得輕身方久聞野人聊自享未敢獻吾君

食菰白

採食陂塘利分甘野老心杯盤收浩渺蘋藻避清深命

婢即能識招隣亦見臨吾鄉希此味咀嚼有吳音

酒令

觴至欲何語令嚴當謹聞茅容唯問稼李白只論文且
喜無多客毋辭過半醺故人知此老舉白解浮君

簞尊

宋祕監
索賦

南國有奇竹天然成酒尊來因交趾使價重祕書門含
蓄中誰似堅貞節尚存盤桓古人意觀象可忘言

鸚鵡

風雨房櫳暗猶疑隴樹昏無愁緣得食有夢想高翻巧
語難自脫深憐未是恩人情多好異渠豈不能言

宋道人八十詩卷

往事枕中記新編柱下言知音有銅狄逸史訪金源春

露霑濡際秋陽想象存初逢疑夢寐垂泪拜桓溫

宋貌絕肖

先子

鄉人王母九十

九十青瞳母寒溫白髮孫桑田閱滄海冠帔記金源案

上春風橘堦前雪色萱移家就鄰舍種杞易陽村

寄答祖文

先友從遊地雍容几杖尊秋風太古觀春日樂郊園妙
理欲自得高情誰與論別離空六載期待負知言

楊子忠總管福州

燕趙多豪傑揚侯氣自奇風流猶世胄開爽亦天資尊
俎論交地江山送別時閩中有佳政聊用慰相思

送尹宰

百里衡山縣千年陸宰名鄰封今見此鄉校可無評俎
豆欲成趣絃歌漸有聲涑陽吾舊隱聞去亦關情

送成判官

釋菜成鄉約從君此例新歡遊渾幾日離索又殘春相
愛求詩切臨行枉駕頻幾年人事絕送子為情親

送成從事

易水河梁夢回頭已十春相逢驚我老送別向君頻求
贈攀前例將詩認故人故山松菊在歸去未全貧

寄子東太守

一夕西山客十年往事非黃塵驚我老青眼似君稀別
浦秋容靜離亭草色微殷勤重寄謝後會不應違

送東海相士

青鏡雲千變紅顏酒一卮忘言三日雅觀化百年期烈
火誰當抃神游亦自奇海山如見問聊舉送君詩

感范女

房望吳中范衣冠相國孫風流猶李白樵爨已陳雲感

事哀龍種慕名重虎賁乾坤厭更迭誰與捄紛紛

哭張之才

義許同生死奪君何遽然無人共清夜有淚葬黃泉苦
疾求予禱遺孤託我憐傷心墓頭字旌孝看他年

子題其墓

道為張
孝子墓

哀郭勸農

才命不相偶如君良可嗟半生在人下一死更天涯三
歲同君里前年過我家相望已塵迹零落舊烟霞

頤齋張先生挽詩

與先奉直府君
同住金大學

耆舊晨星盡公亡益可嗟
先人曾共學穉子與通家
白日明心素青山點鬢華
封龍餘爽氣誰與酹烟霞

贈答學者

士論清修品天然孝友資
從游無少補離別有深思
貧說長年在文驚近日奇
吾言不足重愛子欲何為

西市藥隱

之子隱於藥四休今不孤
藏名那論價得號尚嫌壺
知

足隨處樂忘機一事無東鄰開小徑茗碗不須呼

獨立

恒岳精英大直衝昂畢星初疑元氣白橫界太虛青欲
與河漢共不隨霜露零相看一杯酒連夜立中庭

嘉甫從親王鎮懷孟

茲游真可樂免苑更枌榆孝弟燕南選文章郝氏徒早
年多急難晚節足歡娛寄語賢兒姪詩書是遠圖

集杜句贈王運同彥材

霄漢瞻佳士公侯出異人家聲同令聞文雅見天倫玄
朔巡天步危樓望北辰燕王買駿骨黃閣畫麒麟妙譽
期元宰蒼生倚大臣蛟龍得雲雨鵬鷃離風塵治國明
公在雄圖歷數屯世儒多汨沒賢俊贊經綸開闢乾坤
正調和鼎鼎新弼諧方一展風俗盡還淳經濟宜公等
泥涂任此身尊榮瞻地絕感激異天真交態遭輕薄浮
生有屈伸嗟予意輾軻撫迹獨酸辛留滯才難盡蒼茫
興有神形容真潦倒世業豈沈淪倚着如秦贅逢迎念

席珍壯心久零落敗績自逡巡載感賈生慟難甘原憲
貧邵平元入漢王粲不歸秦回首軀流落生涯脫要津
稻粱求未足台衮更誰親碧海真難涉蒼鷹愁易馴君
能微感激何處不依仁

靜修集卷十九

欽定四庫全書薈要卷一萬六千二百七十六

集部

靜修集卷二十

拾遺二

元劉因撰

七言律詩

四十首

渡白溝

薊門霜落水天愁
匹馬衝寒渡白溝
燕趙山河分上鎮
遼金風物異中州
黃雲古戍孤城晚
落日西風一鴈秋
四海知名半凋落
天涯孤劍獨誰投

遂城道中

鐵城秋色接西垣
遠客還鄉易斷魂
霸業可憐燕太子
戰樓誰弔漢公孫
冷烟衰草千家塚
流水斜陽一點村
慰眼西風猶有物
太行依舊壓中原

鎮州望抱犢山

亂山西去獨崢嶸
合在仙經第幾名
物外高閒真有意
亂來險固亦堪驚
太行穠秀霜洗盡
全趙規模天鑿成
珍重幽人留顧盼
封龍英爽未全平

避暑玉溪山

風露撩人儘力清也應知我到禪局秋聲滿谷有生氣
山意帶烟成遠形皎月欲升天失色白雲初出樹留青
侘年若訪經行處合有先生避暑亭

溪光亭小憩

尋涼隨水到溪亭十里綠陰慙鳥聲自惜形骸恒世故
豈知風露已秋清白雲似與山爭秀落日放教川盡平
六月農家獨赤地登臨舒嘯若為情

留題山房

靈風縹緲竹花飛怪石參差樹影齊
壺裏有天藏日月杯中無海飲虹蜺
松生太古鶴應識路入白雲山盡低
萬里黃塵一回首微茫烟水意淒迷

水門庵

池烟林影淡無姿物外高寒兩石磯
雲水流行寧有跡乾坤俯仰自相依
波涵晴景動猶靜鳥戀幽人去復歸
回首塵緣吾未了靈風且莫故吹衣

井陘淮陰侯廟

君臣尚詐日生疑誰與乾坤息戰輦未論恃功羞伍噲
試看觀變要王齊良能用漢氣無敵蕭可制韓才自低
枉為虛名誤忠節五陵烟樹亦淒迷

登高有感

疎烟晴曉散輕寒秋色滿林霜意閒今古消沈幾白日
乾坤洒落一青山半生心苦頭先老兩姊墳荒淚未還
瞬息西風解十里登高聊為送餘潛

樓上

樓觀參差接大荒五雲分我白雲鄉卧之地上太行小
來自帝傍春夢長灝露明河氣蕭瑟黃塵落日烟蒼茫
清風簾外問何客玄鶴飛鳴天一方

春游

巧穩林亭無四鄰背山向水得天真風光正及二三月
童子同來六七人十日得閒須小醉一年最好是深春
鳥聲似向花枝說曾見無懷有此民

新秋

俗物何曾擾病懷
憐渠孤憤若為開
人生如此亦安用
野鶴翩然去不回
萬古青天留月在
幾聲白鴈送秋來
西城無限峯巒好
擬對一峯傾一杯

秋夕

西風吹掩讀殘書
慨想平生時自呼
度日悠悠良可惜
軒天磊磊未應無
才名莫要驚人甚
數論終當與禍俱
長嘯一聲秋意滿
無邊霜葉下庭蕪

夜坐有懷寄故人

幾葉疎桐萬斛秋
四山清露一窓幽
高情千古謝安石
壯志平生馬少游
有錯真成六州鉄
欲還空說大刀頭
悠悠且付天公在
未必蒼生待爾憂

秋望

天從朝雨霽來寬
日到平蕪盡處還
嘆老自非緣白髮
愛閒元不為青山
洛陽懷古真豪聖
李白學仙亦強顏
何處蓮花有仙掌
不妨招我暮雲間

秋日有感

自覺規模日蹙然
初心道德負中年
仰觀俯察無多地
往古來今共此天
出處不論三代後
刪脩直探六經前
南山正在忘言處
目送歸鴻手絕絃

癡坐

野人癡坐靜無邊
愚昇從渠兒戲然
或智或愚能幾里
一鳴一止又千年
俗流在眼何妨病
細故經心信未賢
究竟誰能離此世
孤山絕頂送華顛

盆池

青蛙昨夜聖來鳴
斗水那容掉尾鯨
白髮驚魚應百我
扁舟捉月記三生
荷風拂面秋先覺
苔露生波晚更清
我欲江東鑑湖老
天河早為洗南兵

虎甲

氣勢江淮一旦空
故教金甲虎生風
崢嶸鐵騎千夫勇
凜冽寒威百獸雄
不信貅貅禦萬竈
豈知狐兔動幽叢
聖朝千古征南錄
亦有孫君治造功

黑馬酒

仙酪誰誇有太玄
漢家捫馬亦空傳
香來乳面人如醉
力盡皮囊味始全
千尺銀駝開曉宴
一杯瑤露洒秋天
山中喚起陶弘景
轟飲高歌敕勒川

賦孫仲誠席上四杯

仲誠命題
彥通舉韻

隴鳥回頭意若何
剗腸欲我鑑紅螺
微茫山意詩痕在
灩澦江聲飲興多
聖處已分糟與蠟
醉來唯見酒成波
千年醒殺江魚腹
應恨生身在汨羅

一作注瓦傾銀竟
若何紅珠元稱捲

金螺微茫山意詩痕在
灩澦江聲飲興多聖處已分糟
與鱉醉來微見酒成波
千年醒殺魚蝦腹且莫乘流問
羅汨

右螺

碧簫和露捲晴霞
錦浪隨鯨落晚沙
風起歌聲來弄葉
酒知人意要浮花
曾中壁立三峯玉
醉裏神游太一家

明日清霜看紅翠
人生容易鬢成華

一作江鄉雲錦爛
晴霞海浪鯨魚落

晚沙烟影橫橋淡
留月露香芳酒淺
浮花風流玉井三
峯夢浩蕩蓮舟太
一家
明日秋霜減紅翠
人生休遣鬢
成華

右荷

希夷尊俎永相望混沌鑿開見此觴
金橘有天容逸老青田無地避餘香
雲中招隱留仙掌物外尋真得醉鄉

試向峩峩問啼鳥人間紅雨幾斜陽

一作希夷尊俎永相望混沌鑿開見

此觴霜橘有天容逸老金橙無地避餘香人間王母留
仙種物外秦人有醉鄉試看累累花下塚莫教紅雨怨
斜陽

右桃

後蜀紀劉先祚進桃核杯云得之華山
陳搏邵康節謝人惠希夷尊詩有仙掌

峯巒峭不收希夷去後遂無儔能斟
時事高擡手尊酌人情略撥頭之句

瀟湘千樹暮林平風露詩腸快一傾蜜戀金絲仍可意
香分綠蟻最關情洞庭春色元無恙南國幽姿謾濁清
誰辨酒船千萬斛棹歌和月捲江聲一作瀟湘千樹暮
雲平風露詩腸快
一傾蜜戀金絲仍可意香尋翠袖亦多情江陵春色元
無恙楚澤幽蘭恐未清惟有酒船三萬斛南飛齊和凱
聲歌

右橙

即席以韻課諸生東齋諸物錄五

遠山筆架痕字

何物能支筆萬鈞
按頭依約遠山痕
燈橫烟影隱猶見
秋入霜毫勢欲吞
掌上三峯看太華
人間一髮是中原
中書未免從高閣
不向林泉怨少恩

折疊簡牌筠字

誰將霜縹漆霜筠
幾葉齊分梵夾勻
眼底有無真亦偽
掌中舒卷屈猶伸
墨雲難染秋天闊
碧玉還思曉露新
他日不須焚諫草
一方何處覓緇磷

梅杖枝字

鐵石心腸永玉姿掌中潛得歲寒枝天教一握藏春密
風覓餘香就手吹雪月冷懷隨步履溪山高興入支頤
玉堂若要扶持用說與東君也不知

竹癭知字

為憐鶴髮久雙垂秀出龍孫第一枝鑿破誰言混沌死
彈來未有歲寒知天材擁腫吾當取時樣裝嚴彼亦宜
風月不妨時角出清霜難傍老頭皮

醉梨寒字

玉簪香字

二首並見遺
詩第四卷

秋蓮空字

瘦影亭亭不自容
淡香杳杳欲誰通
不堪翠減紅銷際
更在江清月冷中
擬欲青房全晚節
豈知白露已秋風
盛衰老眼依然在
莫放扁舟酒易空

西瓜

一片秋風落漢城
人間無復渴塵生
鑿開混沌星辰出
碾碎琉璃風露清
胸次冰霜惟我在
口邊糖蜜向誰傾

爛腸莫道遮藏得黑子紅心到底明

又

一團天露暗藏春
多少人間渴死人
面上風標儘冰雪
胸中文彩爛星辰
弄丸我是希夷老
鑿竅誰窺混沌真
沃沃君心甘剖腹
乾坤一闕要清新

貧士

貧士出門多掣肘
聞君幾次謾徘徊
不思學館三年舊
肯為山翁百里來
久倚通家略賓主
新知不飲罷尊罍

殷勤莫厭通宵話聽說天明即欲迴

故人見訪山中

客子畏人常簡出病來庭戶益荒蕪多時略闕通書問
遠路遙慙送藥須掃地豫占燈燼喜敲門遙認草亭孤
故人知我無供給故着看山慰野夫

次韻答河間趙君玉見寄

出門紛擾互相尋常使幽人懶病深前月借書來水北
去年採藥到城陰黃精已倩徐生斲蒼朮新教石老尋

只有烟霞肯賒借無人曾送買山金

憶郝伯常

一檄期分兩國憂長纓不到越王頭
玉虹醉吸金陵月玄鶴孤遊赤壁秋
漠北蘓卿重回首天南王粲幾登樓
飛書寄與平南將早放樓船下益州

涑陽李文九十壽

九十餘年何限事向人惟指鬢毛霜
偶因飲酒驚遲醉不信看書記健忘
還拜嗔扶緣敬客近游多步為居鄉

自慚犢子顛狂在世故艱難未備嘗

壽田處士

慷慨燕南烈丈夫半城和氣溢閭閻仕途盡看鼠為虎
若輩卻教龍作魚勤苦十年經子史風流千古畫詩書
交遊剩有名公在未許丹青作敝廬

何太夫人生日

夜夜東隣有香火高門因得百年心蟠桃結實世誰見
隆棟駭人根自深經卷病餘猶早起絲車老去亦親臨

久知吾友閒居意惟願慈顏事不侵

書懷

出門已坐十年遲擇地寧容一物棲
弊帚萬金空自許青雲平地欲誰梯
長庚只合陪殘月衆楚安能立一齊
醉裏商歌動寥廓飛鴻淡淡夕陽低

靜修集卷二十

欽定四庫全書薈要卷一萬六千二百七十七

集部

靜修集卷二十一

拾遺
三

元 劉因 撰

七言絕句

五十
三首

偶讀謾記二首

恍惚天花散亂風
向前一蹴是虛空
麒麟正要黃金鎖
收入簾瓢博約中

真樂攻心不奈何
南華風景偶經過
憐君日暮不歸去

直到倚門猶自歌

偶書

車輪有角世無用馬足若方人可尋
萬沼千池隨分在只除明月解同心

天命

天命無私義理公此身承奉有餘恭
人心可信難盡合親令何由敢勇從

雜詩

一語喚醒瑞巖老千言不昧草庵歌閒人為向忙人說
佛法元來本不多

理西齋成

朔風裂地雪漫空辨向西齋作蟄虫有客

闕

語

高談方對紫陽翁

早起

饑鼠號多似訴愁破囊空慣已無羞閒來點檢幽居事
鷓鴣聲中又一秋

宿山村

石邊流水自縈紆
樹杪閒雲恣卷舒
長怪西山無爽氣
只應少我一茆廬

宿洪崖觀

雲山不受壯心降
無限西風撼客窓
應是夜深知月出
却收風雨入清江

大覺寺作

西山詩社久知聞
鞍馬曾經亦可人
須信此邦文教在

能招錫杖近冠巾

中山道中

不許花開一日先征鞍過處及芳妍
只應春暖山翁出野店溪桃悵望邊

大暑絕句

青天只恐還煉石白日何曾赦覆盆
未挽銀河下塵世欲攜赤縣上崑崙

雪嶺遇雨

天為西遊餉我晴
野花啼鳥效平生
今朝雪嶺初逢雨

應是郎山帶帽迎

土人謠云郎山帶帽十日無道

北窓看雪

背山樓起人呼俗
踏雪詩成奴罵狂
不俗不狂高枕上
爛銀堆裏數峯蒼

賀正

秋禾夏麥揔收成
徭役稀疎賦稅輕
北墮南庄俱有酒
倒騎牛背遶村行

人日

紛紛世事倒狂瀾
鄉學如何又起端
六七頑童舞雪下
不知何物是探官

春夜

千紅百紫一般香
霧閣雲窓日影長
一刻千金買春夜
幽人應也笑君狂

春夜不寐

衆人皆睡我獨坐
細看乾坤靜裏春
儻使一時俱閉目

知更數鼓是何人

故園寒食二絕

家家有酒老人醉
拜掃歸來壯士耕
縞袂荆簪門巷寂
太平風物故鄉情

一坏新土寄餘哀
故老相邀信步來
行到水西村盡處
桃花無數未全開

中秋無月

鎮日晴明此夜陰
如何天意異人心
一聲長笛浮雲盡

快意金杯莫淺斟

霜落

霜落清江一夜秋
覺來明月滿江樓
酒醒人散夜將半
花上烏啼空自愁

山泉

寒溜泠泠爾許清
米狂誤拜石為兄
拔山卷地今誰手
夜夜南牕聽此聲

鼓城龍湫

金
卷二十一
池龍聞說卧南州一禱曾分一郡憂四海蒼生望霖雨
千年誰更傳巖求

煮茶

細聲蚯蚓發銀瓶已覺春雷齒頰生舉似玉川應有語
無絃琴亦是沽名

聞角

人間無物比悠揚誰道一聲隨夜長餘哀到曉無尋處
吹作南湖十里霜

見梅

朔漠梅花到眼中一枝無限是春風
江湖烟雨三千里誰識乾坤造化工

落花

光景花中自一天精神楚楚照芳筵
朝開暮落君休笑還似人間幾百年

啼鳥

幾日春陰幾日晴喚來山鳥話平生
杜鵑解道淵明語

只少鷓鴣相和鳴

次人望雨韻

五月良田種不成
蓬蒿無雨亦青青
袖中准有天瓢在
自是今年夢易醒

豆粥

雪瓮冰釐滿
筋黃砂瓶豆粥透
隣香此中真味無人識
熬煞羊羔乳酪漿

戲題李渤聯德高蹈圖

十一首

黑色黃頭渠醜女綸巾羽扇我周郎已辭魯肅三千里
莫望成都八百桑

鹿門安敢笑隆中
畊傳來兩地窮
愛殺阿山頗神駿
看教他日拜龐公

牙牙女異似偏剛
教女如羊尚恐狼
若使此剛能有用
文姬却不辱中郎

莫道梨蒸法太偏
孔門三法見家傳
燈前一聽阿聲語
愈覺黔婁有婦賢

戾戾吹罷補麻衣習取禁寒抗老飢幸自伯鸞無識者
對人不必案齊眉

北牕高卧辭周粟婁氏能貧傳亦誇畫裏不深陶靖節
恐因白壁有微瑕

求人諛鬼果何為翻憶謀親入仕時寄謝韓公莫相挽
山妻元不解啼飢

倫理天生有自然莫言家累損清閒何人會我圖中意
說似陽城與魯山

文藁無勞爾謾焚但將勤孝立吾門君看珠翠紅油壁
爭信阿良日乞墻

高詠清江月近人一家燈火夜相親多齋自任傍人笑
已把靈臺付鬼神

渠心當與畫圖期莫問圖中我似誰天意與人論出處
我家行止不關伊

秋煙疊嶂圖

不傳者死不亡存滅沒天機尚有痕曾向烟霏見真態

依然猶是畫家魂

畫猿

萬古西山只月明
畫中依約曉猿鳴
幽人未去深須聽
一出世間無此聲

梅雀扇頭

月影波光淡有春
秋風草草最愁人
憑君欲寄調羹信
恐被枝頭凍雀嗔

題崔氏雪竹海棠二軒

崔氏溪亭竹樹新分題為我報詩人而今別有春風在
玉立諸孫鶴髮親

邯鄲欹枕圖

不見當年夢虎公無端幻術眩愚聾區區正有仙凡異
未便壺中勝枕中

田孝子詩卷 二首

比屋春風夢寐前門閭旌孝見今年山林未覺渾無望
試手田家第一篇

佛法天倫亦泛然，雲谿獨愛此兒賢。
詩成未盡南陔興，不是田家第二篇。


雨中聞雲溪不在

燈火幽窓擬對談，十年不到二龍潭。
白雲吹作山前雨，應報高僧不在庵。

贈狂道士

得意雲山是處過，逢人對酒即高歌。
世人休笑狂夫惡，却恐狂夫笑汝多。

靜修集卷二十一



總校官庶吉士臣張能照
校對官檢討臣盧應
騰錄監生臣夏毓圻

欽定四庫全書叢要

集部

靜修集卷二十

五

詳校官助教臣謝登雋



欽定四庫全書薈要卷一萬六千二百七十八

集部

靜修集卷二十二

拾遺
四

元 劉因 撰

雜著

希聖解

少作

歲在丁卯七月既望秋容新沐明河皎潔天高氣清萬
動俱息於是易川劉子乃起坐中庭有酒一尊飲之無
味有琴一張絃之無聲有書一編周子所傳是謂易通

微妙難詮仰而求之高入青天即而探之深入黃泉余
乃取而讀之星月之下至士希賢賢希聖聖希天余不
覺而嘆曰迂哉言蕩蕩乎浩浩乎天高明神睿孰可希
焉欺我後人迂哉此言于是乎吟清風弄明月扣大塊
飲太和誦太古滄浪之詞仰天而嘯喟而歌曰湛爾太
虛兮性命之所居兮皓爾太素兮元氣之所寓兮義軒
遼兮吾誰歸兮孔昊邈兮吾將疇依兮諷詠不已坐而
假寐良久而起忽見中庭勃勃然有佳氣如聞足音捨

机而視之三老丈也其一人襟懷洒落如光風霽月其
一人有風月情懷江湖性氣其一人有淳古君子之風
三人同行謹迎揖延之上座乃再拜下風進侍于前請
其姓字與其所安止一曰吾稟太極之真二五之精而
生位太極而君天下今老矣無所成退居浯溪拙翁者
也一曰吾借太極之面假太極之形先天而生太初氏
吾母皇極君吾兄欲名之而無名間居西洛無名公者
也一曰天地之師吾其性天地之塞吾其體乾吾父坤

吾母吾其子焉藐然中處寓居西王誠明中子者也余聞而疑之神耶人耶出此言耶且喜且懼且驚且怖乃上手而言曰駟也庸俗鄙陋後學晚生未嘗接搢紳先生之談論覩大人君子之儀形庭無人迹門無車聲窮窓屏息終日冥冥者盖有年矣吾三先生之言如是高大何不遊乎神明之域與天為友與造物為徒胡為乎來哉無名公曰子向者招我以太虛之歌引我以滄浪之詞吾不子拒今予赴之子何忘之母乃昧乎天理蔽

于人欲耶誠明中子曰子吾同胞之弟吾不忍子英才而墮于不肖之地吾欲子育而成之子何棄我而忘之耶拙翁先生沈默不言久之乃曰士希賢賢希聖聖希天小子疑吾言乎吾應之曰聖可希乎曰可有要乎曰有請聞焉曰一為

關

者何曰無欲孰無欲曰天下之

人皆可無欲然則天下之人皆可為聖人然若是則弟子之感滋甚而不可解矣先生曰子坐吾與爾言子其聞之天地之間理一而已爰執厥中散為萬事終焉

而合復為一理天地人也人天地也聖賢我也我聖賢
也人之所鍾乃全而通物之所得乃偏而塞偏而塞者
固不可移全而通者苟能通之何所不至矣聖希乎天
至則天不至則大聖賢希乎聖過則天不至則大賢士
希乎賢過則聖至則賢不至則猶不失乎令名此聖之
所以為聖賢之所以為賢也子受天地之中稟健順五
常之氣子之性聖之質子之學聖之功子猶聖也聖猶
子也子其自攻而反以我為迂子迂乎先生迂乎苟子

脩而靜之勉而安之踐其形盡其性由思入睿自明而
誠子希聖乎聖希子子子其自棄而反以我為欺子欺
先生乎先生欺子乎予於是叩首而謝曰駟也味道懣
學空侗顓蒙坐井觀天戴盆仰日捫舌之罪豈敢避之
然而辱令教命剔開茅塞洞見天君駟雖不敏鑽仰之
勞豈敢負先生之知乎無名公誠明中子拊吾背曰吾
子勉之他日聞天地間有一清才者必子也夫余辭而
不敢當三先生不久留余亦驚悟醒然視之不見其處

弔荆軻文

歲丙寅十月步自鎮州歷保定將歸北雄息肩于易水之上草枯木落寒風颯起登高四顧慷慨懷古人莫測也風蕭蕭兮易水寒此非高漸離之歌乎荆軻與太子滌泣共訣刎血相親就征車而不顧望行塵之時起非此地乎方其把臂成交豪飲燕市烈氣動天白虹貫日亦一時之奇人也至若怒秦王滅國奇謀不成飲恨而死獨非天意乎嗚呼軻乎吾想夫子之憤惋千載不散

遊魂於此矣古稱燕趙多感慨悲歌之士余不忍負此
言也故投文以弔焉其辭曰

稷文祚絕兮天驕強羸六王猖狂兮係首咸京席卷天
下兮勢若縛嬰英雄膽落而求死兮膏鑊鋸之餘腥脫
身于商網兮寄命儒坑嗚呼吾子將何為哉此時何以
不匿影而逃形慙一時之養分遺千古之盜名逞匹
夫之暴勇兮激萬乘之雄兵挾尺八之匕首兮排九鼎
之威靈死而傷勇兮雖死何成嗚呼吾子其愚也相彼

白帝之嗣兮豈燕秦之鬼囚其阿房未灰兮驪山未秋
走鹿未罷兮素羅未游子亦何人兮敢與天仇嗚呼太
子兮豈無良謀招賢養士兮信義是求胡為嗾獨驕搏
於菟兮不顧吞噬之憂召公之廟不祀兮將誰之尤損
燕士之奇節兮吾為子羞感霸業之遂墟兮悼昭王之
不留仰蒼天之茫茫兮寫我心之悠悠

苦寒賦

嚴氣積玄律窮北斗知春迴指于東惟功成而不去孰

項冥之可容乃鬱彼孽暴激彼威鋒凝愁雲而蔽日怒
寒風而攬空奪陽春之生氣使天地聞然寂然如未判
之鴻濛于時燭龍絕光熒惑失次陽烏斷足火鳥縮翅
畢方高飛而遠翔癡牛毛寒而縮蝟炎帝為之收威祝
融為之屏氣羲和倚日以潛身盤古開天而失視天吳
死於朝陽之谷儵忽滅於海南之地若乃焦溪涸熱海
澄沸潭止溫泉永火井凍暘谷凝炎洲地裂裸壤毛增
熒臺烟滅瘴水生淩而我生於此時奚凜冽之可勝或

有從軍永訣去國長違霜鋒寶劍缺襯單衣積雪沒脛

悲風激懷夜渡劔河曉上輪臺陰山雪漫瀚海水厚當

此苦寒十死者九又若寒門久客貧閭故居不爨不燭

無衣無襦鼻酸氣失墮指裂膚火如紅金薪如桂枝兒

號妻哭痛盡傷悲抱膝而苦竟死何裨噫嘻嗚呼天歟

地歟神歟彼頑冥之不去我生死其何辜嗚呼噫嘻蓋

嘗聞之無寒不溫無貞不元時之草化由是而門噓炎

吹冷元氣所存貞極不元寒極不溫乖序錯命罪半東

君於是易川牛馬走地上蟣蟲臣再拜東方發狂語唇
凍舌澁難具陳告我東君胡甚不仁嗟生類而欲盡君
奚為而不春匪我語汝其孰汝親匪君顧我孰活我人
我藉汝力汝假我神天地之和氣黜項冥挽于玄垠汲
東海之泥以接地軸鍊泰山之石以補天輪以廣廈萬
間庇吾民之凍骨以布裘千丈弔四海之冰魂使颼颼
赤子鼓舞於春風熙熙然樂其天真胡為弛綱維而退
避獨廉讓而謙尊我徒問汝汝且不言於是乎乃歸瑾

其戶而葺其楹襲其被而重其衣不尤乎神不怨乎天
束手容足以順乎時之自然

讀藥書漫記二條

人秉是氣以為五臟百骸之身者形實相孚而氣亦流
通其色聲氣味之接乎人之口鼻耳目者雖若汎然然
其在我而同其類者固已昭焉而相合異其類者固已
悌然而相戾雖其人之身亦不得而自知也如飲藥者
以枯木腐骨蕩為麤粉相錯合以飲之而亦各隨其氣

類而之焉蓋其原一也故先儒謂木味酸木根立地中似骨故骨以酸養之金味辛金之纏合異物似筋故筋以辛養之鹹水也似脉苦火也似氣甘土也似肉其形固已與類矣而其氣安得不與之流通也推而言之其吉凶之於善惡亦類也

天生此一世入而一世事固能辦也蓋亦足乎已而無待於外也嶺南多毒而有金蛇白藥以治毒湖南多氣而有薑橘茱萸以治氣魚鱉螺蜆治濕氣而生於水麝

香羚羊治石毒而生於山蓋不能有以勝彼之氣則不能生於其氣之中而物之與是氣俱生者夫固必使有用於是氣也猶朱子謂天將降亂必生弭亂之人以擬其後以此觀之世固無無用之人人固無不可處之世也

書示瘍醫

周禮瘍醫凡療瘍以五毒攻之以五氣養之以五藥療之以五味節之五毒疑即醫師所聚毒藥凡五藥之有

毒者非謂一方五藥而可以盡攻諸瘍也攻與療所以去其疾也養與節所以扶其本也蓋攻則必養之療則必節之攻視療加急養視節加密理勢然也鄭氏釋五毒以黃堊置石膽丹砂雄黃礬石慈石其中燒之三日三夜其烟上著以雞羽取之以祝創惡肉破骨則盡出宋楊文公見楊岵驗之果如鄭所云此蓋古方五毒藥之一爾若即以是為五毒則不惟聖人之言不如是之狹而執兼與下文五氣五藥五味之言亦不類矣予又

恐以楊之偶中而致人之不中也賈氏疏又以五藥為五毒則鄭既失經之意而賈又失鄭之意也東坡嘗論學詩不但費紙而正俚語之非唐庚論陶隱居注本草與易之說非知言者蓋儒術之大無對非可與醫並言者也然衆枝校之則李明之嘗言蘓沈良方猶唐宋類詩蓋言不能詩者之集詩猶不知方者之集方也一詩之不善誠不過費紙而已一方之不善則其禍有不可勝言者矣友人為醫者求余書其醫瘍也故云

武遂楊翁遺事

翁與予外家通譜牒一世矣昭穆則舅父也八十歲餘
每一過余輒自喜數日而謂有所得也好聞邵氏惡盈
語每告之一二必手錄而藏之嘗謂余曰予視世俗惟
余與山西一石丈者其所為頗當吾子意宜吾子之不
見合於人也畧能道余家數世事每援之以為其朋友
子孫之戒臨終遺其子孫者無他語惟及余戒其諸孫
令從予學而已翁舊嘗與余言昔自西山來武遂涉百

里途一日意甚速訪捷徑於人視所嘗往來當早至中途遇人奪騎補驛傳乃遠避之乃返迂於所常往來者爾後思之事莫不然遂不敢求捷又云某人者擁高官以南余謂其人不免後果如予言蓋治行時余見謀利之具以知之又云昔年二十餘遇保州抄騎身已十餘創即伏而死矣其一人復抽刀由背及腹刺至地而去是時豈意復生於天地之間六十年餘也以此知生死非人所能為也又云保州屠城惟匠者免予冒入匠中

如余者亦甚衆或欲精擇事能否其一人默語之曰能
挾鋸即匠也拔人于生擠人于死惟所擇事遂已而凡
冒入匠中者皆賴以生當時恨不知其人之姓名若此
等語每語次必一二及之余亦樂聞而不厭其言之屢
也性喜飲醉即微笑好談佛書亦頗能知其微處嗚呼
親舊日益盡予日益孤感念知己不覺涕零遂書此示
其子孫使知翁之言行如是其令不忘余家之好云翁
字吉甫忘其名至元十六年正月十六日書於吟風亭

叙節婦賈韓

韓氏中山治中賈公之子增順妻也其先真定獲鹿人父某金末嘗代上黨張公為潞州帥後歸國移鎮彰德西道會有告其與金恒山武公通問訊者遂繫獄行唐當天草昧非強宗豪族不能自保其室家況當衰謝罪累之餘其強凌豪奪孰復能禦之者時韓氏年已十五姿色復過人獨能以禮適名族其風節已可想見矣年廿七增順死賈之族黨有欲嫁之者韓氏以死拒之

其兄知沁州事某憐其少寡欲迎歸之韓氏恐其將嫁已也凡五往復終不許及年四十則曰吾老矣吾兄必不强我也方一往焉韓氏出衣纓復移天于大家其生長見聞宜不知勤儉勞苦為何物也及增順死家無以爲生童稚嗷嗷待哺於前韓氏即斥去脂澤其服飾雖山野農家之所不堪者韓氏處之若素也復慨然以勤力自任每夕以麻二束自課剝而績之盡焉而後寢其事舅姑接夫子御妾媵待親戚則又鄉閭以爲模範者

其壻郭賡屢為余言之始為叙其大畧庶有如安定胡翼之者聞將著之賢惠錄云

靜修集卷二十二

欽定四庫全書薈要卷一萬六千二百七十九

集部

靜修集卷二十三

拾遺
五

元 劉因 撰

書

答田尚書書

某再拜復禮意懇到至於再三雖不敢當亦所不敢拒
者然勢有不能者三今不免一二焉近有人自鄉中來
水幾嚙先墓尚賴相去甚近時得展省而謀所以遷避

之方必三歲而後可庶幾焉一也家堂垂老有所生女子在趙州亦欲時一相見若遠去則往復極不易矣二也外舅郭判官平生受知最重今在平定卧疾十月間已一往省視臨別垂泣云比死幸得一相見近其子書來云變腫而利醫者云利不利於是證也拙婦聞之殆難為懷欲遂俱往視之則山路崎嶇往復千里而勢有不能殆不免某復作一行也三也有此三者而遂舍之將以教人而先失此雖公亦所不與也可往則一來即

往誠不敢虛譌以要人之再三公若不亮察雖百往復亦止此而已矣某再拜

答何尚書書

某再拜復辱疏禮意甚厚實非所敢當也然易之風土素所愛慕而公之才器則又所願交而未得者也某平生嘗苦無書讀每思欲館於藏書之家而肆其檢閱而今之藏書復孰有如公之多者是三者蓋十年之所欲求而不得者今一朝不求而併得之且公出貴家而能

不忘子孫教養之計求之古人亦不多見而某又何暇
辭但事緒卒不能絕六七月之交當再識之某再拜

與王經畧書

八月廿八日劉某再拜以生平知已有五年之別且還
自數千里外款段下澤奉候起居角巾私第從容觴詠
為數日留以道前日西山連榻南州並轡之好實初心
也故自四月初始聞有歸意訪問迄今無虛月及至則
腹痛連綿不止而不能徑往南望依依徒增悵恨仲實

來仍聞執事脚氣作不知近日復何如謹專人奉問續
當親往時間秋嚴維順時以道自愛不宣某再拜經畧
恩公執事

答張推官書

某頓首啟自僕與仲實交嘗切聞家世昆季之美而執
事恬退之節樂易之風雖未之識固已若親承其教五
月間彥通來聞秩滿家居而僕方私或以事至府則庶
得一見焉及仲實至則紙墨等物遽蒙先施之辱矣且

許以北行則取道於此而將枉駕焉感慰不自勝然思其所以得此豈仲實諸人嘗以不肖欺執事也此當面叙姑此馳謝八月廿八日某再拜推官先輩執事

答王判官書

某頓首復總判執事向居保府切聞才名風節之餘向慕而願交之者有日矣然公宦游南北而僕復閉門癡坐蹤跡蹉跎是以十年之間僅望見風采一二於稠人之中竟未嘗接杯酒殷勤之歡以道其相與之意及來

山中交道日狹故人日疎凡鄉曲之賢平昔之願交而
未得者日往來於心其相與之意故在忽八月九日領
四月間見寄詩其賦叙平實而興寄高遠辭旨精嚴而
風格古雅其平日磊磊自負與夫期待之厚又槩見於
言意之表讀之不覺驚喜向之願交而相與者自此敢
少進於前矣特恨浮沈久而得之晚和答難而報謝遲
故謹專人先此馳復比良晤秋嚴惟順時以道自愛不
宣八月廿七日某再拜復

答郭勸農書

某頓首再拜復書勸農仲淵先生執事辱惠書知勇退之節好士之風不勝嘆服所諭舉可為縣學師者一人見保府及旁郡諸友人年及四五十以上者皆已經擢用其在城一二生徒稍通經者亦以事奪不能去惟李某字某者見在新安縣三臺村居其事行頗可為小學師其累稍輕或可暫去鄉邑然逼於嚴命不敢不勉思之欲求如許端甫者實不可多得也蓋如斯人每每已

在仕路不然者或老病不任教讀也僕平昔一二生徒
精通文義者亦各以事纏綿不能遠去為執事計不若
懇留許君之為得也恒之習之迴謹此奉報不能既二
月十一日

如深澤李德常南宮康和之皆可但不知其
人肯應之否

答醫者羅謙父書

八月二日駟頓首再拜復太醫先生侍下人來領書及

見賜諸醫書前後受賜稠疊矣僕自六月七日中山會
葬妻父七月五日迴目疾暴發至今昏花所讀醫經辦
惑纔檢校二三簡而已昨日定興奔舅氏喪迴而知專
人來且以繕寫脾胃論見命則愈增稽緩之媿也然目
疾纔愈尚不敢久視且一二月間欲於門側建一草亭
又不免監督之役恐久曠日期而虛來人之傭直也今
日早飯竟故遣歸其二書約兩月可畢至期使之來取
可也仲實近出來即送書去比良晤惟以任重自愛不

宣克溫无異此駟再拜太醫先生侍下

請趙教授就師席書

總管府廉亨等謹致書于教授安之先生足下近聞病體就平學者莫不相慶比講堂落成有府學生尚克溫等修館舍備束脩以請伏望早就師席以副國家崇學育才之意正月初八日亨等再拜

靜修集卷二十三

欽定四庫全書舊要卷一萬六千二百八十

集部

靜修集卷二十四

拾遺六

元 劉因 撰

記序哀詞贊疏題跋

宣化堂記

大哉化也源乎天散乎萬物而成乎聖人自天而言之
理具乎乾元之始曰造化宣而通之物付之物人付之
人成象成形而各正性命化而變也陰陽五行運行乎

天地之間綿綿屬屬自然氤氲而不容已所以宣其化而無窮也天化宣矣而人物生焉人物生矣而人化存焉大而父子君臣夫婦長幼朋友之道小而灑掃應對進退之節至於鳶飛魚躍莫非天化之存乎人者也天能使物與之化而不能使之不違其化所以明人倫察物理作禮樂制刑政以脩其道以明其德人欲化而天理血氣化而性情呻吟化而謳歌暴天化而仁壽洋洋乎而發育萬物而放乎四海盤亘天地貫徹古今而莫

之違者此聖人宣天地之化以立人之化而使天下後
世宣之也於是時君宣聖人之化大臣宣時君之化列
侯守令又宣大臣之化至於一家宣一長之化一身宣
一心之化一事宣一理之化一物宣一性之化化而宣
宣而復化宣而不已至於不宣化而不已至於無所化
故人伸天化之上天隱人化之中合人物於我合我於
天地融洽通暢交欣鼓舞無所闕隔無所壅蔽人化宣
而天化成矣自世教衰主德不宣恩澤不流而列侯守

令又不能承流而宣化所以陰陽錯繆氛氣充塞而天
化窒羣生寡遂黎民未濟而人化息噫天地之化會於
人心聖人之化布於方策顧人之宣之者何如耳順天
治中周侯孟戡故都運公之長子也學業淹備才術通
濟而深識治體昔郡牧劉公病且卒而繼者未至侯以
獨員主治有聲嘗於時豐政暇之際新其府之公堂謂
是堂者一道聽政之所也上之化由是而宣乃大書其
扁曰宣化盖亦有意於宣其上之化也且請予記之以

為執事者律予申之曰堂以是名人登斯堂思所以下
教令思所以變風俗思所以息獄訟上恐負朝廷興化
之意下恐負吾民望化之心如是則雖無斯名豈無斯
名堂以是名人登斯堂苟俸祿於此待日月於此行賄
賂於此教化不行則歸之上風化不美則歸之下如是
則雖有斯名安用斯名嗚呼堂既以是名矣登斯堂者
無負我侯無愧斯名至元庚午十二月朔易川劉駟謹
記

歸雲庵記

易有鄉曰凌雲鄉有道庵曰歸雲鄉民劉用之所作也
用家有田千餘畝水磴二區白金二千兩性薄於自奉
而喜施予乃並其居築老子祠祠側為環堵十餘客有
學老氏之靜者延而居之凡衣食皆給焉使得一意於
學而無事相往來如是者二十年其田財費以盡而用
亡矣客亦散矣今但有奉祠者數人而已嗚呼用亦勤
矣哉蓋聞燕山竇氏之風而興起者惜其智力止及於

此而已也昔予遊西山過其鄉而徘徊者久焉見其山
水雄勝雲烟奇麗慨想一時賓主之樂不覺有飄然遺
世泠然長往之志也至元丙戌用之女夫鄧淵拜予請
紀石以旌其事予問用他所行曰嘗收瘡老十餘人養
之家終身焉又通瘍醫以藥授病者不責償問用時環
堵客曰徃徃以道術知名亦有被徵車賜真人及師號
者現今奉祠闕丈人時客崔徵士之徒也問築祠始
末曰今五十年矣問祠所里名曰沈也余於是念疇昔

之經行傷有志之不就取老氏之旨為歸雲之章授今
奉祠者俾歌之以為步虛之變焉惟靈居兮大無隣旋一
氣兮凝雲忽乘之兮下覽思明示兮德之門相彼髦士
兮尚不稱老況軋之尊兮有嚴其昊孰守虛柔兮恒處
于道眷茲人兮與俱命白雲兮前驅渺何方兮故域雲
遙遙兮踟躕是年三月望日容城劉某記

田景延寫真詩序

清苑田景延善寫真不惟極其形似併夫東坡所謂意

思朱文公所謂風神氣韻之天者而得之夫畫形似可以力求而意思與天者必至於形似之極而後可以心會焉非形似之外又有所謂意思與天者也亦下學而上達也予嘗題一畫卷云烟影天機滅沒邊誰從毫末出清妍畫家也有清談弊到處南華一嗒然此又可為學景延不至者之戒也至元十二年三月望日容城劉某書

玉田楊先生哀辭

并序

余平生所與往還通問訊者皆有目錄而以時攷之庶
其有自警者焉昔者有自京師至者曰玉田楊先生嘗
問子動靜於我又曰嘗問子言貌於我或又曰先生謂
予過此必識子是以來若是者無虛歲至有素疾予如
仇讐而擠毀百至一及先生之門則必幡然親愛予亦
不知何以得此於先生也後得先生手疏訪故人遺文
行實而先人與焉予始疑先生之所以拳拳於余者或
以先人故思欲一見以報其知而先生歿矣後五年至

元丙子其子過始與予會其惟相敬愛猶先生又二年
過謂予曰先人愛子者子為辭以哀先人莫子宜予固
幸其得以遂予哀故不辭先生諱時煦字春卿仙翁雍
伯之後嘗為興文署丞幼穎悟質厚制行不為崖岸惟
喜客家雖貧而延致接納無虛日隱居教授餘二十年
名公貴人往往出其門者築一室環種以竹名之曰庸
齋或為圖其象為野服蕭然先生顧而樂之名以庸齋
自適先生之病草也訣其門人李生曰予平生無媿於

世言竟怡然而逝其所學與其所行蓋可見矣而世獨以好客稱之非知先生者遇今為史院編脩官孫肯堂亦好學其詞曰

嗟漓澆兮孰可淳賦敦龐兮公其人揚爾波兮一我存
矯獨立兮與物春物來納兮吾渾淪氣被物兮吾氤氲
彼巖巖兮駭絕倫嗟離物兮危爾身彼悠悠兮逐世紛
孰有渭兮不涇渾庸可常兮德有鄰微先生兮吾誰與
親

可菴韓道士真贊

不巢由不伊周陶然方外遊不滄浪不廟堂超然無何
鄉冠其髮繩其鬚溫然山澤癯水其心雲其身飄然葛
天民俗而無塵野而有文九十康強人間幾人吾謂可
菴之真乃神仙之神也

王治中請趙君玉疏

道人游於內形骸無廢疾之嫌老者近於親飲食有患
養之戒惟其布帛之文不為野所以耆艾而信可以師

伏惟提學先生經明行脩年高德劭人惜士安之苦節
天留鑿齒之半軀某蚤失師傅今勞王事每慚將逼於
晚景但欲長聞於善言避堂寢以舍蓋公固不敢當禮
賢之僭載酒肴而過揚子或能伸問字之勤厨傳已脩
薰沐而待

請趙提學疏

丁亥
正月

桑梓懷歸遂老者之志蓬茅增價賴賢者之光惠然肯
來寶為全美伏惟提學先生詩文律口而成舉動聽天

之命置之中座居然宿儒某等久爾隣居歆乎雅望使
先生春秋浮湛鄉社亦何慚東道主人之招令我輩朝
夕出入里門庶能免西家愚夫之誚

請趙安之就師席疏

為州郡立師久著朝廷之令式選生徒入學屢頒臺憲
之條章遂興激勵之心爰得依歸之所恭惟教授先生
蚤親有道晚舉力田以公論所歸膺師儒之選某等幸
居是郡得與諸生敬備束脩願行見先生之禮特新講

肄望不虛鄉國之勤

靈陽觀鳩糧疏

奉為本院見闕道糧謹投一鄉上善共加補助者竊以
力田固清脩之本收功有豐歉之殊終歲徒勞連年失
望驩虞里巷共歌樂土之有秋寂寞齋厨實望仁人之
移粟

跋魯公祭季明姪文真蹟後

季明與盧遜同時遇害也今公所謂仁兄愛我俾爾傳

言者不應居遼之後也果先之則潛告之舉自忠節發而史為遺誤矣且公於其父之廟碑自叙距師古為四世與忠節為同祖而新史乃以公為師古五世從孫與忠節為同五世祖不應公自叙亦如撰歐陽瑾碑之有誤也舊史自以之推為公與忠節之五代祖以忠節為公之從父兄矣不知新史何所據而改之而汪應辰於公傳辨師古五世之誤於忠節傳不辨其同五世之誤亦可謂攷之不精矣是以知歐陽永叔不敢以新唐書

世系列傳為正者不特張許孔氏而曾子固所謂史誤者又不特李白傳而已也至元丁丑八月癸亥日容城劉某書

書饕餮圖後

饕餮之生于唐虞猶水物之生于陸也雖欲饕餮烏得而饕餮然其所以為饕餮則陽中之陰所不能絕雖欲不饕餮烏得而不饕餮以烏得而不饕餮者與烏得而不饕餮者遇是以天下莫不見其為饕餮為饕餮而得以饕餮

之也及世運降矣人道晦矣溥者滴而和者戾矣關雎
麟趾之意息而河圖鳳鳥之嘆興饗分饗分此其時也
孰從而見其饗也孰從而見其饗也而又孰得而饗饗
之也此饗饗之所以列於器也夫饗饗之所以列於器
也其所以著夫惡則禹金以魑魅鑄楚史以檮杌名也
其所以示夫戒則尊彝之取象盤盂之有文也呂氏春
秋謂以象形飾者周制也或者曰以形象識之則殷器
也非周制也是則不可得而知也世且不可得而知又

烏得而知其用也金臺田景延得古饕餮拱泉而垂腹
羸其面而坐則人焉其下若有承盤者然河東元裕之
為之攷定其為古器之無疑也景延遂以劉敞呂大臨
例而圖之其友郝伯常欲為道其然而不果而屬予鳴
呼人之於古器物也強其所不可知而欲知之則為博
物之增惑也舍其所不可知而特慕其古焉則為玩物
之喪志也為增惑為喪志皆非知好古者也舍其所不
可知者而求其所可知者則古人之所以為戒者在我

矣因其所可慕者思其大可慕者則古人之所以為古
人者自此而得矣求知是知也求慕是慕也則斯器也
固有為致知之一明德之端者不惟在我之饗饗以此
而見在物之饗饗我將自此而得以饗饗也至元丁丑
正月丙寅容城劉某書

靜修集卷二十四

欽定四庫全書薈要卷一萬六千二百八十一

集部

靜修集卷二十五

七拾遺

元 劉因 撰

先世雜事記

西塋改葬後祭文

維至元五年十月戊寅朔承祀孫某謹以清酌之奠致
告於先塋前金塵昔蕩人其流離天寒我族逃難南飛
遼遼松楸誰主誰依雨齧烟荒牧踐狐悲春秋失祀神

其餒而降及大革吾宗益衰骨肉連喪不免兵饑我父
重生故里爰歸險阻艱難亦倍嘗之先澤未涸家運欲
伸裔孽是萌不肖惟駟生遭閔凶早失二親先塋所在
莫知莫聞豺獺報本孰無此誠心泚溢顙中心靡寧寤
辟自譴云胡爾生親柩尚旅先塋未祔載訪鄉人得此
其處白溝之澳金容之曲實惟故域於焉是卜與此相
望不違十里神遊下泉尊卑有齒我惟後人莫探其紀
念我孤孫單獨一身形影相弔撫迹酸辛承我先業惟

恐有隳其敢弗勤遠大自期卓然千古樹我名勲堂堂
先靈死而不亡庶聞此言相我後人神亦不孤宗其有
光歲時匪懈拜掃敢忘尚饗

東塋改葬後祭文

祖

念我諸孫粗濡文墨實賴我祖好士雄傑神卧荒烟盖
亦有年豈我父罪惟某之愆提攜教育不辱其先勿以
小怠忘其大全

先父遺命云汝祖父母在淺土我平生艱蹇不克葬汝能成之我事了矣

叔祖

我祖登第光我劉宗雖先世德亦我祖功天道何如俾
絕其嗣式值凶饑遽至於此我父惟子惟某則孫歲時
拜掃其敢弗勤

禰

無狀招禍兒罪彌天天不遽殞俾值孤單亦愛吾字不
忍絕祀于其先苟立厥嗣實不願自延晨昏奉慰償過
于下泉嗚呼痛哉兒復何忍言

一二

三

四

遠祖宗

高祖

敦武校尉臨洮府錄事判官

曾祖

奉議大夫中
山府錄事

祖

秉善

五六

父述因

高祖昉敦武校尉臨洮府錄事判官家居嘗夜坐廡下
見一人盜厨中大釜識其為里巷子呼之語曰吾家口
衆明日何以為具盜棄釜而走止之曰若走即使人執
汝姑於此以待乃取錢稱釜之直與之且使置釜於竈

所竟不言及卒盜來哭且以其事告人曰吾不言則沒翁之德嘗為吏部掾每為選人給紙札曰紙札亦細事

闕

鄉人號為劉佛子娶容城王氏男四

曾祖俟字德容奉議大夫中山府錄事為政有聲每罷歸望容城城門必下車凡長一歲者無貴賤皆納拜娶邊氏有明鑒

並曾祖劉公子英業進士早世

祖秉善字文卿少讀書氣豪邁以義雄鄉里貞祐之變

鄉豪以國命推為萬人長遂逃避河南弟秉忠登科後
母教之曰科舉之業此特國家設此以取人耳有志於
學者豈可如是而已養孤姪如已出有外姻之無託者
皆為撫育不使失所其子自他而歸遇里中一嫗捐之
召而責曰彼年長雖賤亦人也乃延嫗上坐使再拜其
嚴類如此壬辰北渡六月六日卒於安平時年五十二
其子扶其柩葬於溝市里之西原娶陳氏生子男二曰
紫陽曰述女曰桂適金皇族完顏世襲千戶侯

祖考妣
六月九

日卒相去
無幾日

叔祖奉直府君行錄

君諱秉德改國寶字長卿小名壽郎小字延慶大定二
十五年乙巳正月初一日生登興定二年進士第釋褐
涇州涇陽縣主簿改滕州滕縣尹遷中書省令史未幾
改司農主事尋授密院經歷終於奉直大夫鄭州防禦
判官君性安靜恬退與物無競為學不喜作詞章貞祐
間避地河南隱於豫州之許封山從學者惟孔文振茂

林脩竹清泉怪石終歲無人惟琴書在側為省掾時其一省郎暴怒以燈擊其僕偶中君之首君瞑目端坐神色不動其人謝之曰偶爾何謝焉嘗燕居僮僕鼓噪相詬詈以謂無人俄而風動簾起見君坐于堂中衆皆惶恐往謝罪君方瞑目端坐少間開目顧之曰若輩何在此耶衆乃具以罪狀自陳君徐曰曲直有在何至於鬪戒勿復然其寬裕類如此惜乎天不假年壬辰歿於京師之厄先娶王氏早世而高尚書有鄰欲以女妻之不

許曰吾不能以一女子而下貴人遂娶李氏生子男二人曰乞住道通皆早卒

君諱述字繼先金泰和四年七月九日生六歲值貞祐之變從親南渡君早有大志穎悟絕人十六七棄舉子業廿六遭壬辰之革飢險備嘗北渡至安平二親連喪吾母病篤先君護柩扶疾重至鄉土田園盡非我有環堵蕭然宴如也遂刻意于學大難之後無書可讀求訪百至十年之間天文歷數陰陽醫方之書無不通性學

史學尤所喜者其書皆手所謄錄往來燕趙間交游皆父行之天下名士也時耶律中令君執政翰林承旨王公百一以名書薦之中令欲用而不就後至順天隱居教授北門絕交萬事置之度外惟以教子為事曰始余四十未有子嘗語人果無子則已若有子必令讀書我今教子亦將以成吾之志而已性不喜酒好長嘯嘗游易州諸山當秋風落木之下危坐終日時作一曲其聲雖沖澹蕭散而其慨然之所不能忘者亦時見之然其

竹冠葛服雍容樂易人謂又有真隱之風焉先生平日明於藻鑑或評論人物或指明事體或推究世變人必待其驗而後服中統初左三部尚書劉公才卿宣撫真定道辟為武邑令未幾以病辭居真定之北潭至元四年九月還順天明年十月十二日病革命其子曰汝高祖以來未嘗為惡大兵之後吾再生而汝兄弟俱亡而汝獨在汝其勉之明日卒于客舍六年十月廿五日葬于容城縣溝市里之西原娶定興進士楊勗字勉之

幼女楊氏生而有知年十六歸先生兵後親執爨無難
色先生晚無子力請令別娶先生竟以天命拒之女曰
綌曰繡皆適人而卒

先妣十一月
初六日卒

先君記事

泰和四年丁卯

七月九日
寅時生

崇慶元年壬申

從親
南渡

正大二年乙酉

娶楊
氏

壬辰

三月降 五月初五日從親北渡至安平六月
初九日父母皆病歿十二月廿三日還容城

乙未 附籍

庚子 八月三日長女
阿乞生寅時

癸卯 遷定
興

乙巳 遷涑水 八月十
五日次女秀生

丙午 還順
天

巳酉 閏二月九日
亥時因生

庚戌 有北
京行

甲寅 長女嫁
韓氏

乙卯

遷涑水 十一月
初六日喪妻楊氏

丙辰

次女嫁
樂氏

己未


復還
順天

中統元年庚申

八月往
真定



静修集卷二十五



總校官庶吉士臣張能照
校對官檢討臣盧應
謄錄監生臣夏毓圻